

朱子大全集

第一函
第八冊

晦庵先生朱文公文集卷第一

後序

浙西臧眉錫喟亭

訂定

平江蔡方炳息關

蔡泰嘉幼淳

蔡元翼右宜校

臧長源鄴侯

賦

白鹿洞賦

白鹿洞賦者洞主晦翁之所作也翁既復作書院洞中又賦其事以示學者其詞曰

承后皇之嘉惠宅廬阜之南疆閔原田之告病惕農扈之非良
粵冬孟之既望夙余駕乎山之塘徑北原以東驚陟李氏之崇

岡地名李揆厥號之所繇得頽址於榛荒曰昔山人之隱處至

今永久而流芳陳舜俞廬山記云唐李渤字瘠之與兄涉偕隱白鹿洞後爲江州刺史乃卽洞創臺榭環以流

水雜植花木爲一時之勝自昇元之有土始變塾而爲庠儼衣冠與弦誦紛

濟濟而洋洋廬山記又云南唐昇元中因洞建學館置田以給諸生學者大集乃以國子監九經李善道爲洞主

掌其教授江南野史亦在叔季而且然矧休明之景運皇穆穆云當時謂之白鹿國庠

以當天一軌文而來混念敦篤於化原乃搜剔乎遺遜盼黃卷

以置郵廣青衿之疑問樂菁莪之長育拔雋髦而登進謹按國朝會要

太平興國二年知江州周述乞以九經賜白鹿洞詔從其請其書

驛送之六年以洞主明起爲蔡州褒信主簿旌儒學榮鄉其書

迨繼照於咸平又增修而罔倦廬山記又云咸平五年敕旌錫重修又塑宣聖十哲之象

冕以華其歸琛亦肯堂而詒孫郭祥正書院記云祥等初直建館孫冕以疾辭于朝願得白

洞以歸老詔從之冕未及歸而卒皇祐五年其子比部郎中其書

卽學之故址爲屋榜曰書堂俾子弟居而學焉四方之士其書

亦給其書張茂草於熙寧尙茲今其奚論廬山記熙寧中作夫

余以堂壇友又訂余以冊書

尋訪之初得樵者指告其處客

之子澄亦哀集故實來寄

謂此前修之逸迹復關我聖之宏撫亦既震于余

衷乃謀度而咨諏尹悉心以綱紀吏竭歷而奔趨士釋經而敦

事工殫巧而獻圖曾日月之幾何屹厦屋之渠渠

事其呂祖謙伯恭所作書

院

山葱瓏而遶舍水汨瀲而循除諒昔人之樂此羗異世而

符偉章甫之峩峩抱遺經而來集豈顧眺聽之爲娛實覲宮墻

之可入愧余修之不敏何子望之能給矧道體之無窮又豈一

言而可緝請姑誦其昔聞庶有關於時習曰明誠其兩進抑敬

義其偕立允莘摯之所懷謹巷顏之攸執彼青紫之勢榮亦何

心乎俛拾亂曰澗水觸石鏘鳴璆兮山木萃尊枝相樛兮彼藏

以修息且游兮德隆業茂聖澤流兮往者弗及余心憂兮來者

有繼我將焉求兮

感春賦

觸世塗之幽險兮，攬余轡其安之慨。埋輪而繫馬兮，指故山以爲期。仰皇鑒之昭明兮，眷余衷其猶未。暫抑重巽於旣申兮，狗耕野之初志。自余之旣還歸兮，畢藏英而發春。潛林廬以靜處兮，閭蓬戶其無人。披塵編以三復兮，悟往哲之明訓。嗒掩卷以忘言兮，納遐情於方寸。朝吾屣履而歌商兮，夕又廣之以清琴。夫何千載之遙遙兮，乃獨有會於余心。忽嚶鳴其悅豫兮，仰庭柯之葱蒨。悼芳月之旣徂兮，思美人而不見。彼美人之修姱兮，超獨處乎明光。結丹霞以爲綬兮，佩明月而爲璫。悵佳辰之不可再兮，懷德音之不可忘。樂吾之樂兮，誠不可以終極。憂予之憂兮，孰知吾心之永傷。

空同賦

何孟秋之玄夜兮心慘戾而弗怡偃予軀之既寧兮神杳杳兮
寒闥雲屋掩而弗扃兮壁帶耿而夜光宕予魄而不得視兮悵
竚立其怔營靈修顧予而一笑兮懽並坐之從容寐將分而不
忍兮且欲往而焉從眷予衷之廓落兮奄愁結而增忡超吾升
彼崑崙兮路修遠而焉窮忽憑危以臨睨兮歲廣寒與聞平風
信真際之明融兮又何必懷此夢也矢予詞以自寫兮盍將反
予施乎空同

詞

虞帝廟迎送神樂歌詞

桂林郡虞帝廟迎送神樂歌者新安朱熹之所作也熹既爲太
守張侯棐紀其新宮之績又作此歌以遺桂人使聲于廟庭侑
牲璧焉其詞曰

皇胡爲兮山之幽翳長薄兮俯清流渺冀州兮何有眷茲土兮
淹留皇之仁兮如在子我民兮不窮以愛沛皇澤兮橫流暢威
靈兮無外縈尊兮肥俎九歌兮招舞嗟莫報兮皇之祐皇欲下
兮巖相羊烈風雷兮暮雨

右迎神三章二章四句一章五句

虞之陽兮灘之滸皇降集兮玉屐舞桂酒湛兮瑤觴皇之歸兮
何許龍駕兮天門羽旄兮繽紛俯故宮兮一慨越宇宙兮無隣
無隣兮奈何七政協兮羣生嘉信立功兮不宰猶彷彿兮山阿
右送神三章章四句

琴操

招隱操

淮南小山作招隱極道山中窮苦之狀以風切遁世

之士使無遐心其旨深矣其後左大中陸士衡相繼
有作雖極清麗顧乃自爲隱遁之辭遂與本題不合
故王康琚作詩以反之雖正左陸之誤而所述乃老
氏之言又非小山本意也十月十六夜許進之挾琴
過予書堂夜久月明風露淒冷揮絃度曲聲甚悲壯
旣乃更爲招隱之操而曰穀城老人嘗欲爲予依永
作辭而未就也予感其言因爲推本小山遺意戲作
一闕又爲一闕以反之口授進之併請穀城七者及
諸名勝相與共賦之以備山中異時故事云

七者疑
當作老

人

南山之幽桂樹之稠枝相樛高拂千崖素秋下臨深谷之寒流
王孫何處攀援久淹留聞說山中虎豹晝鳴聞說山中熊羆

交包叢薄深林鹿呦呦獼猴與君居山鬼伴君遊君獨胡爲自
聊歲云莫矣將焉求思君不見我心徒離憂

右招隱

南山之中桂樹秋風雲冥濛下有寒棲老翁木食澗飲逃春冬
此間此樂優游渺何窮我愛陽林春葩晝紅我愛陰崖寒泉
夜淙竹栢含煙悄青葱徐行發清商安坐撫枯桐不聞簞瓢屢
空但抱明月甘長終人間雖樂此心與誰同

右反招隱

詩

遠遊篇

舉坐且停酒聽我歌遠遊遠遊何所至咫尺視九州九州何茫
茫環海以爲囂上有孤鳳翔下有神駒驤孰能不憚遠爲我游

其方爲子奉尊酒擊鉢歌慨慷送子臨大路寒日爲無光悲風
來遠壑執手空徊徨問子何所之行矣戒關梁卅路百險艱出
門始憂傷東征憂暘谷西遊畏羊腸南轅犯瘴毒比駕風裂裳
願子馳堅車躡險摧其剛峩峩既不支瑣瑣誰能當朝登南極
道暮宿臨太行睨卽萬里超忽凌八荒無爲斃蹙者終日守
空堂

擬古八首

離離原上樹戢戢澗中蒲娟娟東家子鬱鬱方幽居濯濯明月
姿靡靡朝華敷昔爲春蘭芳今爲秋薜蘿寸心未銷歇託體思
同車

綺閣百餘尺朝霞冠其端飛欄麗遠漢曲楹何盤桓清謠發嶽
音一唱再三歎借問誰爲此佳人本邯鄲微響激流風浮雲慘

將寒爲言何所悲遊子在河關不恨久離闕但憂芳歲闌願爲
清霄夢燕昵窮餘歡

上山採薇蕨側徑多幽蘭采之不盈握欲寄道里艱沈憂念故
人長夜何漫漫芳馨坐銷歇徘徊以悲嘆

佳月朗秋夜蟋蟀鳴空堂大火西北流河漢未渠央野草不復
滋白露結爲霜梁燕起高飛雲鴈亦南翔念我同心子音形阻
一方不念執手歡隔我如參商寓龍不爲澤畫餅難充腸金石
徒自堅虛名真可傷

鬱鬱澗底樹揚英秋草前與君結歡愛自比金石堅金石終不
渝懽愛終不踈一夕遠離別悠悠在中途相思未云變音容定
何如傷彼三春藻灼灼層華敷盛時不可留恐逐嚴霜枯夫君
來何晚賤妾長離居

高樓一何高俯瞰窮山河秋風一夕至憔悴已復多寒暑遞相
遷歲月如頽波離騷感遲暮惜書閑蹉跎放意極驪虞咄此可
奈何邯鄲多名姬素豔凌朝華妖歌掩齊右緩舞傾陽阿徘徊
起梁塵綵繚紛衣羅麗服秉奇芬顧我長咨嗟願生喬木陰寅
緣若絲蘿

夫君滄海至贈我一篋珠誰言君行近南北萬里餘結作同心
花綴在紅羅襦雙垂合歡帶麗服眷微軀爲君一起舞君情定
何如

衆星何歷歷嚴霄麗中天殷憂在之子起步荒庭前出門今幾
時書札何由宣沉吟不能釋愁結當誰憐臨風一長嘆淚落如
奔泉

題謝少卿藥園二首

自此詩至卷終先生
手編謂之牧齋淨業

謝公種藥地窈窕青山阿青山固不羣花藥亦婆婆一掇召冲
氣三掇散沈疴先生澹無事端居味天和老木百年姿對立方
嗟我持此供日夕不樂復如何

小儒忝師訓迷謬失其方一爲狂瘖病望道空茫茫頗聞東山
園芝朮緣高岡瘖聾百不治效在一探囊再拜藥園翁何以起

膏肓

瘖一本
作醒

邵武道中 同前詩起辛未

風色戒寒候歲事已透遲勞生尙行役遊子能不悲林壑無餘
秀野草不復滋禾黍經秋成收歛已空畦田翁喜歲豐婦子亦
嘻嘻而我獨何成悠悠長路岐凌霧卽曉袞落日命晚炊不惜
容鬢凋鎮日長空饑征鴻在雲天浮萍在青池微蹤政如此三
嘆復何爲

友人黃子衡欲之上庠以詩留行

若士有奇操久厭山林卑奮衣千里道已與親友辭子行何悠
悠世路方如茲歸來亦何日車馬光陸離幽蘭生前林擢置曰
玉墀不以芳意遠結根終不移願子崇明德潛躍貴因時悲風
靜夜聽喬木歲寒姿何以廻軒駕千載相與期

奉酬丘子野表兄飲酒之句

微褐不充體寒夜懷重衾古來窮廬士歲暮多苦心苦心亦何
爲世路多崎嶇不藉盃中物離憂坐自侵舉杯當勿辭何爲復
沉吟醺酣遺所拘神慮契遐襟荒涵思前戒歡謠發清音雅唱
一何高仰酬非所任申章聊叙報洪量亦余欽

丘子野表兄郊園五詠

欲識淵明家離離疎柳下有白雲人良非遯世者

柳

結縷遶芳植覆牆擁深翠還當具春酒與客花下醉

茶蘼

移自溪上閣種此牆陰路牆陰少人行來歲障幽戶

竹

芭蕉植秋檻勿云憔悴姿與君障夏日羽扇寧復持

芭蕉

花柳遶宅茂先生在郊居下帷良已苦時作帶經勸

蔬圃

古意

兔絲附樸樛佳木生高岡弱蔓失所依佳木徒蒼蒼兩美不同
根高下永相望相望無窮期相思諒徒爲同車在夢想忽覺淚
沾衣不恨歲月邁但惜芳華姿嚴霜萎百草坐恐及茲時盛年
無再至已矣不復疑

送劉旬甫之池陽省觀六十四丈遂如行在所上計

雨雪成歲暮之子遠徂征酌酒起相送慨我別離情池陽實大
藩佐車屈時英子行一請觀上計趨吳京良玉懷貞操芳蘭含

遠馨臨岐一珍重卽此萬里程

晨起對雨二首

淒冽歲云晏雨雪集晨朝高眠適方起四望但蕭條遠氛白漫
漫風至林靄消流潦冒荒塗清川亦迢迢遐瞻思莫窮端居心
自超覽物思無託卽事且逍遙

晨起候前障白煙眇林端雨意方未已后土何時乾倚竹聽蕭
瑟俯澗聞驚湍景物豈不佳所嗟歲已闌守道無物役安時且
盤桓翳然陶茲理貧悴非所歎

殘臘

殘臘生春序愁霖逼歲昏小紅敷艷萼衆綠被陳根陰壑泉方
注原田水欲渾農家向東作百事集柴門

客舍聽雨

壬申

沈沈蒼山郭暮景含餘清春靄起林際滿空寒雨生投袞卽虛
館簷響通夕鳴遙想山齋夜蕭蕭木葉聲

宿武夸觀妙堂二首

陰靄除已盡山深夜還冷獨臥一齋空不眠思耿耿聞來生道
心妄遣慕真境稽首仰高靈塵緣誓當屏

清晨叩高殿緩步遶虛廊齋心啓真祕焚香散十方出門戀仙
境仰首雲峯蒼躊躇野水際頓將塵慮忘

社日諸人集西岡

郊原曖芳物細雨青春時前岡遐敞地登覽情無遺農畝懷歲
功壺漿祝神釐我慙里居氓十載勞驅馳今朝幸休閒追逐聊
嘻嘻笑語歡成舊盡醉靡歸期

久雨齋居誦經